

RYDYM YN RECRIWTIO

Ymunwch a'r tim yn Hamdden Sir Ddinbych





Dylunydd Graffeg a Swyddog Marchnata Digidol

Cyfeirnod y swydd: DLLL00018W3CJE

Lleoliad: Trem y Dyffryn, DLL HQ,
Dinbych, Sir Ddinbych

Cyflog: Graddfa 9 £32,234 to £35,745

Oriau: 37 awr yr wythnos

Contract: Parhaol

Dyddiad Cau: 23 Mawrth 2021

Sut i wneud cais:

Os oes gennych ddiddordeb yn y swydd hon, gwnewch gais ar-lein drwy'r wefan www.hamddensirddinbych.co.uk. Am ddulliau eraill o wneud cais, cysylltwch â'r Adran Gwasanaethau Cwsmeriaid Cyngor Sir Ddinbych ar 01824 706100.

Mae Hamdden Sir Ddinbych Cyf yn Gwmni Masnachu Cyfyngedig drwy Warant sy'n eiddo i'r Cyngor, ac felly caiff ffurflenni cais eu gweinyddu gan Gyngor Sir Ddinbych. Mae'n rhaid i ymgeiswyr lenwi ein ffurflen gais trwy'r wefan er mwyn cael eu hystyried. Mae'n ddrwg gennym na allwn ateb pob cais. Os nad ydych wedi derbyn ateb o fewn tair wythnos i'r dyddiad cau, fe ddylech chi gymryd yn ganiataol nad ydych wedi cyrraedd y rhestr fer am gyfweliad.

Llythyr gan y Rheolwr Gyfarwyddwr

Helo, fy enw i yw Jamie Groves, a fi yw Rheolwr Gyfarwyddwr Hamdden Sir Ddinbych Cyf. Am fod gennych ddiddordeb mewn ymuno â'n Cwmni, roeddem yn credu yr hoffech gael ychydig o wybodaeth amdanom ni.

Mae hwn yn gyfle cyffrous i ymuno â Hamdden Sir Ddinbych Cyf, gan ein bod yn Gwmni newydd gyda thîm sefydledig, brwdfrydig ac ysgogol, sydd â diwylliant o berfformiad uchel a gwasanaeth rhagorol i gwsmeriaid. Mae ein llwyddiannau yn y gorffennol wedi ein harwain at ein sefyllfa bresennol, sef enw da o brofiadau gwych yn ein cyfleusterau i gyd a thîm o weithwyr caled sy'n ffynnu o ddarparu'r profiadau gorau posibl i gwsmeriaid.

Mae ein hymrwymiad i ddarparu cyfleusterau o'r safon orau i gwsmeriaid yn parhau o un flwyddyn i'r llall, ac mae'r rhaglen dreigl hon o fuddsoddiad yn ein cyfleusterau wedi arwain at enw da am ddarparu cyfleusterau chwaraeon, ffitrwydd a hamdden i'n preswylwyr ac ymwelwyr, sydd yn cael eu cymharu â'r rhai gorau yn y sector breifat. Mae ein saith Canolfan Hamdden yn cynnig cyfarpar campfa o'r radd flaenaf ac ystod eang o ddosbarthiadau ffitrwydd. Ar draws y sir, mae gennym chwe pwl nofio, yn ogystal â neuaddau chwaraeon a chaeau aml dywydd.

I'r rheiny sydd yn chwilio am ddiwrnod llawn hwyl, mae gennym barc dŵr SC2 gyda Tag Ninja yn y Rhyl, y Nova – ein lleoliad orau i ymwelwyr ym Mhrestatyn, a Chanolfan Bowls Gogledd Cymru.

Rydym yn cynnig bwyd arbennig a choctêls ym Mwyty a Bar 1891 yn y Rhyl, neu bitsa a gwydraid oer o win gwyn yn yr haul yn y Cwt y Traeth ym Mhrestatyn. I'r rhai hynny sydd â diddordeb yn y celfyddydau, efallai hoffech ymweld â Chanolfan Grefft Rhuthun, Canolfan ar gyfer y Celf Cymhwysol gyda tair oriel yn dangos celf gymhwysol cenedlaethol a rhyngwladol orau. Mae gan ein tîm Cymunedau Actif prysur gyfoeth o brofiadau yn eu sectorau eu hunain, a gyda'i gilydd maent yn cyfuno eu sgiliau i gynnig rhaglen amrywiol o ansawdd uchel, a chyfleodd hamdden cynhwysol. Mae pawb wedi ymrwymo i ddarparu gwasanaeth rhagorol i'n holl gwsmeriaid, felly os mai cynnal parti pen-blwydd neu helpu rhywun wella eu hiechyd a ffitrwydd ydyw, rydym bob amser yn barod i helpu.

Ein staff sy'n sail i'n llwyddiant, ac mae gennym dîm ac ethig gwych yn Hamdden Sir Ddinbych Cyf.

Rydym yn cynnig cyfleoedd eang i hyfforddi a datblygu gyrfa, ac yn gweithio'n galed i sicrhau bod ein staff yn hapus yn eu rôl. Os ydych yn angerddol dros ddarparu gwasanaeth rhagorol, yn gyfeillgar ac yn hawdd mynd atoch, gyda'r awydd i helpu cydweithwyr a chwsmeriaid, yna byddwch yn gartrefol iawn gyda ni.

Edrychwn ymlaen at dderbyn eich cais.your application.



*"Darparu cyfleoedd hamdden
hygyrch o safon uchel sy'n denu
lefelau cyfranogi uchel, a gwella
lles ein trigolion ac ymwelwyr"*



Hamdden Sir Ddinbych Cyf

Mae Hamdden Sir Ddinbych Cyf yn ymroddedig i Gyfle Cyfartal a Safonau Iaith Gymraeg. Rydym yn croesawu ceisiadau Cymraeg; sylwch na fydd unrhyw ffurflenni cais a dderbynnir yn y Gymraeg yn cael eu trin yn llai ffafriol na ffurflenni cais a gyflwynir yn Saesneg.

Mae tîm Hamdden Sir Ddinbych yn dîm sefydledig, angerddol a llawn cymhelliant sydd â diwylliant o ddarparu gwasanaeth perfformiad uchel a rhagorol i gwsmeriaid. Mae ein llwyddiannau yn y gorffennol wedi ein harwain at ein sefyllfa bresennol, sef cyfleusterau uchel iawn eu parch a thîm o weithwyr caled sy'n ffynnu o ddarparu'r profiadau gorau posibl i gwsmeriaid.

Rydym yn disgwyl i'n staff ymrwymo i;

- Ddarparu gwasanaeth o safon ragorol bob amser
- Sicrhau eu datblygiad eu hunain a datblygiad ein busnes
- Gweithio'n hyblyg ar draws safleoedd lle bo angen
- Cefnogi gwaith tîm, cefnogi eu cydweithwyr a'n cwsmeriaid

Mae ein gweithlu yn hynod o bwysig i ni ac rydym yn ymrwymedig i gefnogi staff i sicrhau cydbwysedd cadarnhaol rhwng gwaith a bywyd. Mae gan bawb sy'n gweithio i Hamdden Sir Ddinbych Cyf hawl i amrywiaeth o fuddion, gan gynnwys aelodaeth campfa am bris gostyngol, cyfleoedd dysgu a datblygu personol a phroffesiynol, hawl i wyliau blynyddol hael (gyda chyfle i brynu mwy) a chefnogaeth ar gyfer ceisiadau am seibiant gyrfa a secondiadau.

Mae Hamdden Sir Ddinbych Cyf wedi trawsnewid dros y degawd diwethaf ac mae bellach yn adnabyddus am ddarpariaeth o safon uchel ledled Sir Ddinbych; gan gynnig arlwy Hamdden newydd, unigryw, fforddiadwy a masnachol gynaliadwy; a gwneud cyfraniad sylweddol at wella iechyd ein trigolion a darparu ffyniant economaidd. Mae hyn wedi bod yn bosibl o ganlyniad i'n gweithlu llawn cymhelliant sy'n gweithio o fewn diwylliant gwych a gwerthoedd cryf.

Bydd disgwyl i ddeiliad y swydd arddangos a hyrwyddo gwerthoedd craidd ein cwmni:

- Byddwn yn glynu at ein egwyddorion uniondeb a gonestrwydd.
- Bydd ein staff yn ymddiried ynom fel eu cyflogwr i wneud yr hyn sy'n iawn bob amser, a byddwn yn eu gwneud yn falch.
- Ni fyddwn yn byth yn derbyn y status quo. Byddwn yn gweithio'n galetach, yn cryfhau ac yn parhau i ddarparu gwasanaeth o'r safon uchaf i'n cwsmeriaid.

'Deiliad y swydd yn allweddol i sicrhau bod erbyn 2030 bydd Denbighshire Leisure Ltd yn parhau i fod yn adnabyddus am gyfleoedd hamdden hygyrch o ansawdd yn denu lefelau cyfranogiad uchel ac yn gwella lles ei thrigolion a'i hymwelwyr.



Mae gan Hamdden Sir Ddinbych Cyf dri piler pwysig ac unigryw, sy'n sail ac yn ddylanwad ar y ffordd yr ydym yn gweithio a'r rheswm dros greu'r Cwmni. Caiff y Cwmni ei gydnabod am ei gyfraniad gwerthfawr i'n cymunedau, y ffordd mae'n cydweithio â'i bartneriaethau a busnesau eraill, ac yn bwysicach fyth, y ffordd y mae'r Cwmni yn gofalu ac yn datblygu ei weithlu – mae'r Cwmni yn credu'n gryf mewn athroniaeth 'un tîm – un cyfrif banc'. piler o Hamdden Sir Ddinbych Cyf:

Tair piler o Hamdden Sir Ddinbych Cyf:

Ein Cymuned

Yn ardal Sir Ddinbych yn ehangach mae ein timau yn gweithio gyda rhwydwaith o gymunedau llai sy'n cynnwys cwsmeriaid, clybiau chwaraeon, grwpiau lleol a phreswylwyr. Mae'r cymunedau hyn yn greiddiol i bopeth rydym yn ei wneud.

Ein Pobl

Credwn fod ein staff yn elfen hanfodol o lwyddiant Hamdden Sir Ddinbych. Rydym yn gwerthfawrogi'r sgiliau a'r profiad y mae pob unigolyn yn eu dwyn i'w rôl ac er bod y cwmni'n cynnig ystod amrywiol o wasanaethau, mae gan bob un o'r timau yr un rhinweddau yn gyffredin - maent yn llawn angerdd a chymhelliant am eu gwaith, gyda diwylliant o berfformiad uchel ac enw da am wasanaeth cwsmer rhagorol.

Ein Busnes

Mae Hamdden Sir Ddinbych Cyf. yn gwmni newydd a adeiladwyd ar gefndir o berfformiad uchel ac ymarfer arloesol. Dros y blynnyddoedd diwethaf, fel gwasanaeth o fewn Cyngor Sir Ddinbych, rydym wedi sefydlu perthnasau parhaus sy'n fuddiol i bawb gyda nifer o sefydliadau partner. Rydym yn edrych ymlaen at lwyddiant parhaus y partneriaethau sefydledig hyn, wrth ddatblygu mentrau newydd a chyffrous hefyd. O fewn bob perthynas, rydym wedi ymrwymo i weithredu gyda gonestrwydd, tryloywder a chwarteisi.



Swydd-ddisgrifiad

Teitl y Swydd: Dylunydd Graffeg a Swyddog Marchnata Digidol

Graddfa: 9 £32,234 to £35,745

Cwmni: Hamdden Sir Ddinbych Cyf

Maes Gwasanaeth: Cwsmeriaid a Marchnata

Yn atebol i : Pennaeth Marchnata, Brand a Chysylltiadau Cyhoeddus

Rhif y Swydd / Dyddiad Cyhoeddi: 23 Mawrth 2021.

Pwrrpas y Swydd:

Rydym yn chwilio am ddylunydd graffeg a swyddog marchnata creadigol sy'n fedrus mewn dylunio digidol ac argraffedig. Rydym eisiau ehangu ein tîm ar adeg gyffrous iawn i'r cwmni ac yn chwilio am unigolyn proffesiynol creadigol ac angerddol gyda chefnidir cryf mewn dylunio graffeg a chreu cynnwys ar gyfer cynnyrch digidol, argraffedig, arwyddion a chynhyrchion graddfa fawr.

Gwybodaeth a Sgiliau

- Fel gweithiwr creadigol proffesiynol bydd eich ymagwedd yn strategol a bydd gennych syniadau ar gyfer pob math o ddeunydd yn cynnwys cynnyrch digidol, hysbysebion, cylchlythyrau, arwyddion, brandio, ymgyrchoedd mawr, lifrai cerbydau, dyluniad cylchgronau, marchnata ar e-bost, tudalennau gwe, canllawiau corfforaethol ac ymgyrchoedd marchnata digidol yn cynnwys gwybodaeth ar gyfer y cyfryngau cymdeithasol a ffeithluniau.
- Rydym yn chwilio am ddylunydd gwefannau/graffeg profiadol a fydd yn gallu rhannu eu dawn creadigol, eu sgiliau dylunio a'u gwybodaeth o farchnata ar-lein. Byddwch yn gallu gweithio'n annibynnol gyda sgiliau trefnu da a safonau uchel o gywirdeb. Byddwch yn rhagweithiol ac yn rheoli eich amser a'ch prosiectau eich hun a bydd gennych allu profedig i weithio dan bwysau ac i gwblhau gwaith o fewn terfynau amser tyn.
- Byddwch yn hyderus wrth weithio gyda chwmnïau argraffu i ddylunio, creu a sefydlu prosiectau, o'r briff drwodd i'r terfyn. Rydym yn chwilio am rywun i greu cynnwys creadigol gwreiddiol gan weithio o safbwynt y gynulleidfa darged a chyfathrebu'n weledol gyda'r gynulleidfa honno drwy ddull dadansoddol gan adolygu perfformiad asedau a'u mireinio yn ôl yr angen.



- Rhoi cyngor, cefnogaeth a chyfarwyddyd ar bob mater yn ymwneud â dylunio, yn cynnwys ymchwilio i dueddiadau a thechnolegau newydd a gwerthuso eu potensial ar gyfer y cwmni. Rheoli eich amser eich hun wrth weithio o fewn terfynau amser cytunedig a datblygu deunyddiau marchnata deniadol ar gyfer ein portffolio o atyniadau, canolfannau hamdden a bwytai.
- Bydd gennych wybodaeth ragorol o'r dirwedd ddigidol, yn cynnwys gwybodaeth ymarferol fanwl o gyfres greadigol Adobe (Photoshop, Illustrator ac InDesign) a meddalwedd ar-lein yn cynnwys Canva.
- Bydd yr ymgeisydd delfrydol yn angerddol ynghylch dylunio ar gyfer pob llwyfan, yn cynnwys dylunio cynnwys atyniadol ar gyfer gwefannau, e-byst a'r cyfryngau cymdeithasol, dylunio ac ysgrifennu e-gyfathrebiadau fel cylchlythyrau ac ymgyrchoedd tesun, creu cynnwys ar gyfer gwefannau a gwybodaeth o CRM i ddiweddarau a chynnal a chadw.
- Byddwch yn gweithio o fewn canllawiau brand ac yn cynnal profiad cyson ar draws pob sianel gyfathrebu yn cynnwys deunydd argraffedig, y we a'r cyfryngau cymdeithasol. Byddwch yn creu, yn paratoi, yn prawf ddarllen ac yn gwirio gwaith sy'n barod i'w argraffu.



Prif Gyfrifoldebau ac Atebolrwydd

- Bod yn unigolyn proffesiynol creadigol gyda syniadau ar gyfer cynhyrchu pob math o ddeunydd yn cynnwys cynnyrch digidol, hysbysebion, cylchlythyrau, arwyddion, brandio, ymgyrchoedd ar raddfa fawr, lifrai cerbydau, dyluniad cylchgronau, marchnata ar e-bost, tudalennau gwe, canllawiau corfforaethol ac ymgyrchoedd marchnata digidol yn cynnwys gwybodaeth ar gyfer y cyfryngau cymdeithasol a ffeithluniau.
- Dylunydd gwefannau/graffeg profiadol a fydd yn gallu rhannu eu dawn greadigol, eu sgiliau dylunio a'u gwybodaeth o farchnata ar-lein.
- Byddwch yn rhywun sy'n ysgogi eu hunain sy'n gallu gweithio heb oruchwyliaeth gyda llygad am fanylion a lefel uchel o gywirdeb a sgiliau trefnu. Byddwch yn dangos menter, yn rhagweithiol ac yn gallu rheoli eich amser a phrosiectau gyda gallu profedig i weithio dan bwysau a chwblhau gwaith o fewn terfynau amser tyn.
- Byddwch yn hyderus wrth weithio gyda chwmnïau argraffu i ddylunio, creu a sefydlu prosiectau, o'r briff drwodd i'r terfyn. Rydym yn chwilio am rywun i greu cynnwys creadigol gwreiddiol gan weithio o safbwynt y gynulleidfa darged a chyfathrebu'n weledol gyda'r gynulleidfa honno mewn golwg, gan weithio mewn dull dadansoddol, adolygu perfformiad asedau a'u mireinio yn ôl yr angen.
- Rhoi cyngor, cefnogaeth a chyfarwyddyd ar bob mater yn ymwneud â dylunio, yn cynnwys ymchwilio i dueddiadau a thechnolegau newydd a gwerthuso eu potensial ar gyfer y cwmni.
- Rheoli eich amser eich hun wrth weithio o fewn terfynau amser cytunedig a datblygu deunyddiau marchnata deniadol ar gyfer ein portffolio o atyniadau, canolfannau hamdden a bwyta.
- Gwybodaeth ragorol o'r dirwedd ddigidol, yn cynnwys gwybodaeth ymarferol fanwl o gyfres greadigol Adobe (Photoshop, Illustrator ac InDesign) a meddalwedd ar-lein yn cynnwys Canva.
- Yn angerddol ynghylch dylunio ar gyfer pob llwyfan, yn cynnwys dylunio cynnwys atyniadol ar gyfer gwefannau, e-byst a'r cyfryngau cymdeithasol, dylunio ac ysgrifennu e-gyfathrebiadau fel cylchlythyrau ac ymgyrchoedd testun, creu cynnwys ar gyfer gwefannau a bod â gwybodaeth o CRM.
- Byddwch yn gweithio o fewn canllawiau brand ac yn cynnal profiad cyson ar draws pob sianel gyfathrebu yn cynnwys deunydd argraffedig, y we a'r cyfryngau cymdeithasol. Creu, paratoi, prawf ddarllen a gwirio gwaith celf sy'n barod i'w argraffu.



Goruchwyllo / Rheoli Pobl:

Ddim yn berthnasol

Amodau Gwaith Arbennig

- Mae'n rhaid i ddeilydd y swydd allu teithio ar draws Sir Ddinbych ac mae lwfans yn daladwy ond yn destun adolygiad.
- Er mai swydd 37 awr yw hon, gofynnir am agwedd hyblyg tuag at oriau gweithio craidd gan y bydd disgwyl i ddeilydd y swydd weithio oriau sy'n cyd-fynd â galwadau'r swydd.
- Bydd angen i ddeilydd y swydd gwblhau tasgau'n annibynnol a bydd ganddynt allu profedig i weithio o'u pen a'u pastwn eu hunain.
- Mae'r gallu i flaenoriaethu gwaith, ymdrin â blaenoriaethau sy'n gwrthdaro a chwrdd â therfynau amser yn hanfodol bwysig ar gyfer y swydd hon.

Gwiriadau Cyflogaeth / Gofynion Penodol

Mae gofyn i weithwyr newydd fynd drwy ein gwiriadau recriwtio mwy diogel; 2 eirdd boddhaol yn cwmparu 3 blynedd o gyflogaeth, tystiolaeth o gymwysterau hanfodol, tystiolaeth o'r Hawl i Weithio yn y DU. Hefyd mae angen gwiriad ehangach y Gwasanaeth Datgelu a Gwahardd.

Datganiad Diogelu

Mae Hamdden Sir Ddinbych Cyf yn cydnabod ei rwymedigaethau i ddiogelu plant ac oedolion ynghyd ag atal caethwasiaeth a masnachu mewn pobl, a bydd yn gwneud popeth o fewn ei allu i atal caethwasiaeth a masnachumewn pobl o fewn ei fusnesau. Mae sawl math o gaethwasiaeth fodern, gan gynnwys masnachu mewn pobl, llafur gorfodol, caethiwed a chaethwasiaeth.

Mae diogelu yn bwysig i bawb, ac mae gofyn i holl weithwyr cyflogedig Hamdden Sir Ddinbych weithio yn unol â pholisïau a gweithdrefnau Diogelu Oedolion / Plant y Cyngor. Mae dyletswydd arnynt i roi gwybod am unrhyw bryderon sy'n codi wrth gyflawni eu dyletswyddau a bod yn ymwybodol o arwyddion o gam-fanteisio. Dylid codi unrhyw bryderon â'r Rheolwr Diogelu Penodedig er mwyn i'r sefydliad allu gweithredu'n ddi-oed pan fydd yn dod ar draws achos o gam-fanteisio.



Manylion am yr Unigolyn

Mae'r manylion am yr Unigolyn yn nodi'r sgiliau, yr wybodaeth a'r profiad a ystyrir yn hanfodol er mwyn ymgymryd â dyletswyddau'r swydd yn effeithiol. Caiff ei defnyddio wrth lunio rhestr fer ac ar gyfer y broses o gyfweld am y swydd hon. Dylech ddangos ar eich ffurflen gais sut rydych yn bodloni'r meini prawf hyn. Byddwch ddim ond yn cael eich cynnwys ar y rhestr fer os ydych yn bodloni pob un o'r meini prawf hanfodol (â'r meini prawf dymunol lle bo'n berthnasol).

Teitl y Swydd: Dylunydd Graffeg a Swyddog Marchnata Digidol

Maes Gwasanaeth : Cwsmeriaid a Marchnata

Graddfa: 9 £32,234 to £35,745

Cymwysterau, Gwybodaeth, Profiad, Sgiliau a Galluoedd

- Gradd neu gymhwyster cyfwerth mewn dylunio graffeg, marchnata neu faes cysylltiedig neu o leiaf 5 mlynedd o brofiad perthnasol.
- Profiad o ddarparu mentrau marchnata yn unol â briff marchnata.
- Byddai gwybodaeth ymarferol o systemau CRM a Wordpress yn fanteisiol dros ben.
- Gallu ac arbenigedd profedig o gwmwl creadigol Adobe, yn benodol Indesign, Photoshop ac Illustrator
- Profiad o weithio o fewn terfynau amser a chwblhau gwaith yn effeithiol.
- Rhaid bod yn hyblyg a gallu gweithio dan bwysau.
- Gwybodaeth gadarn o brosesau gwaith celf, argraffedig a digidol.
- Gallu profedig i ddarparu atebion dylunio creadigol a llawn dychymyg ar gyfer y cyfryngau argraffedig a digidol gan fod yn gyfrifol am bob prosiect o'r briff cychwynnol drwodd i'r terfyn.
- Sgiliau rheoli amser a threfnu rhagorol gyda'r gallu i weithio'n annibynnol ac ar y cyd ag eraill ar brosiectau dylunio i ddiwallu sawl terfyn amser ar yr un pryd.

- Profiad o ddylunio a chynhyrchu deunydd marchnata ar gyfer llwyfannau argraffedig a digidol, yn cynnwys y we, cyfryngau cymdeithasol, deunyddiau argraffedig ac arwyddion corfforol.
- Byddai profiad o weithio ar brosiectau mawr yn cynnwys lifrai cerbydau, addurniadau wal a dyluniad lleoliadau yn ddymunol.
- Profiad o werthuso effeithiolrwydd ymgyrchoedd marchnata gyda theclynnau dadansoddi.
- Sgiliau ymdrin â phobl tra datblygedig gyda'r gallu i weithio gydag amrywiaeth eang o bobl yn fewnol ac yn allanol.
- Sgiliau cyfathrebu rhagorol ar lafar ac yn ysgrifenedig.
- Profiad o ddarparu gwasanaeth cwsmeriaid ardderchog.
- Y gallu i weithio'n annibynnol o'ch pen a'ch pastwn eich hun a sgiliau trefnu da.



Diolch am eich diddordeb.

**Am ragor o wybodaeth cysylltwch â'n Angie Platt ar 01824 712613 /
angie.platt@hamddensirddinbych.co.uk.hank you for your interest.**



www.hamddensirddinbych.co.uk



Hamdden Sir Ddinbych



@Hsirddinbych